

## На Литургии

### Антифон 1-й, глас 2. Псалом 21:

**Стих 1:** Боже, Боже Мой, вонми Ми, вскую оставил Мя еси? Молитвами Богородицы, Спасе, спаси нас. **И паки другой лик, стих 2-й:** Далече от спасения моего словеса грехопадений моих. Молитвами Богородицы: **И паки 1-й лик, стих 3:** Боже мой, воззову во дни и не услышиши, и в нощи, и не в безумие мне. Молитвами Богородицы: **Таже 2-й лик, стих 4:** Ты же во святем живещи, Хвало Израилева. Молитвами Богородицы: **Слава, и ныне: Молитвами Богородицы:**

### Антифон 2-й, глас 2. Псалом 73:

**Стих 1:** Вскую, Боже, отринул ны еси до конца? Спаси ны, Сыне Божий, плотию распныйся, поющия Ти: аллилуиа. **Другий лик, стих 2:** Помяни сонм Твой, егоже стяжал еси исперва. Спаси ны, Сыне Божий: **Стих 3:** Гора Сион сия, в нейже вселился еси. Спаси ны, Сыне Божий: **Стих 4:** Бог же Царь наш прежде века содела спасение посреде земли. Спаси ны, Сыне Божий: **Слава, и ныне: Единородный Сыне: [оба лика вкупе.]**

### Антифон 3-й, глас 1. Псалом 98:

**Стих 1:** Господь воцарися, да гневаются людие.

**Таже тропарь:** Спаси, Господи, люди Твоя: **весь до конца.**

**Другий лик тойже стих:** Господь воцарися, да гневаются людие, седяй на херувимех, да подвижится земля.

**Тропарь:** Спаси, Господи, люди Твоя:

**И паки 1-й лик, стих 3:** Господь в Сионе велик, и высок есть над всеми людьми.

**Тропарь:** Спаси, Господи, люди Твоя:

**Другий лик, стих 4:** Поклонитесь Господеви во дворе святем Его.

**Тропарь:** Спаси, Господи, люди Твоя:

## Таже, вход.

**Диакон речет:** Премудрость, прости. **Мы же входное:** Возносите Господа Бога нашего, и поклоняйтесь подножию ногу Его, яко свято есть.

**Тропарь:** Спаси, Господи, люди Твоя:

**Слава, и ныне:**

**Кондак, глас 4. Подобен:**

**Вознесыйся на Крест волею,** / тезоименитому Твоему новому жителству, / щедроты Твоя даруй Христе Бóже, / возвесели силою Твоею верныя люди Твоя, / победы дая им на сопостаты, / посóбие имущим Твое, оружие мiра, // непобедимую победу.

**Вместо же Трисвятаго:** Кресту Твоему поклоняемся, Владыко, и святое воскресение Твое славим.

**Прокимен, глас 7:** Возносите Господа Бога нашего, и поклоняйтесь подножию ногу Его, яко свято есть.

**Стих:** Господь воцарися, да гневаются людие.

**Апостол, зачало 125. [1 Кор. 1, 18 – 24.]**

**Аллилуиа, глас 1:** Помяни сонм Твой, егоже стяжал еси исперва. **Стих:** Бог же Царь наш прежде века содела спасение посреде земли.

**Евангелие от Иоанна, зачало 60. [Ин. 19, 6 – 11, 13 – 20, 25 – 28, 30 – 35.]**

**Вместо Достойно:** Величай душе моя пречестный Крест Господень. Таин еси, Богородице, рай, невозделанно возрастивший Христа, Имже Крестное живоносное на земли насадися древо, тем ныне возносиму поклоняющеся ему Тя величаем.

**Причастен:** Знаменася на нас свет лица Твоего, Господи.

**На трапезе же бывает утешение братии, от елеа и вина, и прочих снедей овощных: сыра же и яиц и рыбы никакоже дерзнем коснуться.**